

Lueggim Luegngaenz

□ Yen Byauh / 彦 飙

Daeghaij daj Gvangjdungh daj-goeng maranz ngoenzhaenx, couh caeuq boh de doxndaq can ndeu. Daeghaij guhnyah gwed daeh hingzlij couh bae Mbanjnazbit ranz dahyoux de.

Bohhaij naengh youq bakdou cingq naiqnuek cit doengz ienraemx de, lienz Mehhaij heuh gwn caeuz hix mbouj leix. Mehhaij byaij daengz henz Bohhaij sing unq dwk naeuz: “Daeghaij bae dajgoeng haujlai nanz cij maranz baez ndeu, mwngz couh fat beizheiq dwk de, baenzneix de guhnyah mbouj maranz, mwngz hozroengz luba?” Bohhaij mbouj guh sing, gag cit gij ien de.

Daeghaij baezneix maranz yaek aeu yah, dahyoux de dwg Dahsiu Mbanjnazbit. Songde doeg cuhcungh couh doxndei lo. Cuhcungh bizyez le, songde couh gietdingh ngoenzlaeng doxaeu baenz gvanbaz. Daeghaij raen ndawranz geij gan rug vaihvadvad, daiq mbouj baenziyengh, aeu yah le baenzlawz hawj mehyah swheij sim gyaez haenx youq haeuj ne. Baenzneix, Daeghaij couh caeuq geij boux mbauq ndaw mbanj bae Gvangjdungh dajgoeng. Dahsiu yaek riengz de bae dajgoeng, de naeuz: “Baihrog daiq luenh, mwngz couh youq ranz caj gou laeuq ngaenz dauqma hwnj ranz moq, dou caiq

doxaeu ba…….”

Bi’gyai yangh cwngefuj lozsiz gij cwngecwz doiq reih ndaem faex, doiq bya fwz ndoi fwz saedhengz cwngez-bauh. Bohhaij lij coz seiz couh youq dadui linzcangz ngonzhen ndoengfaex gvaq, baez guh couh 20 bi, de doiq ndoengfaex gamjcingz naekna. Dadui linzcangz sanq le, de cij maranz ndaemnaz ciengx mou gvaq ndwen-ngoenz. Seizneix dingqnaeuz miz cwngecwz neix, couh sikhaek yaek bae cwngezbaueh. Youq gwnz ndoi ndaem faexmak ginghcilinz, mbouj daengz 5 bi, couh goj bienqbaenz aen lueggim luegngaenz ndeu. Hoeng, ngaenz cwngezbaueh daj gizlawz daeuj ne? Geij bak moux ndoi fwz dan ngaenz cwngezbaueh couh aeu geij fanh maenz. De siengj daengz gij ngaenz Daeghaij bae dajgoeng geiq dauqdauej haenx. Gij ngaenz haenx dwg lwedhanh daeglw, Daeghaij dajsuenq bineix hwnj ranzlaeuz moq le couh aeu yah! Seizneix dwg geij bak moux ndoi fwz, de fangzhwnzloq cungj siengj aeu daeuj bae ndaem faex, baenzlawz guh ne?

Bohhaij doeklaeng youq ndaw gyoenqvnz doxceng cwngezbaueh ndoi fwz haenx ceng ndaej gienz ndoi fwz, coh heuh guh Luegnad. Yienhbaug gicej rox le daeuj caijfangj Bohhaij, bauqceij daengh’ok aen siusik neix.

Bohhaij okmingz lo. Vut geij fanh maenz okbae, vuenh ndaej aen ndoi fwz. Mehhaij laebdaeb geij ngoenz cungj gvaq Bohhaij, hoeng, youh mbouj gamj ndaq de. Mehhaij rox gij beizheiq Bohhaij, danghnaeuz de nyinhdingh gienh saeh ndeu, couhdwg 9 duz vaiz rag hix rag mbouj gvaqdauej, caiq gangj ngaenz gaenq sai ok lo, Mehhaij cijndei youzcaih Bohhaij.

Ciep roengzdauej dwg hwnz daeb ngoenz vat gumz ndaem faex. Song bouxlaux vih mbaet ngaenz, sij mbouj ndaej cingj vunz daeuj guhhong. Vat gumz sat le, couh bae linzgothsoj cawx dinfaex lwgmak daeuj ndaem, ndawde miz faex lwgmakmaenj, faex lwg-makleiz caeuq faex lwgmakdoengj, Bohhaij lumj ciengx lwgnyez neix bae ganq gij faex de ngamq ndaem roengzbae.

Bineix seizcin daengz lo, Luegnad bienqbaenz aen lueg loeg he, neix dwg Bohhaij aeu lwedhanh bae ganq vuenh ndaej daeuj. Mbangi faexmak gaenq hai va, gyae’gyae yawj bae, hoengzhoengz hauhau ndei yawj raix-caix.

Seizcou, Daeghaij ganj ma daengz ranz seiz, Dahsiu cingq youq Luegnad ndaw suenmak mbaet mak. Bineix makdoengj makgamj fungsou lo. Giceh baihrog daeuj daeh le cibgeij

ci okbae, canh ndaej haujlai ngaenz. Dahsiu caeuq Daeghaij gek haujlai nanz mbouj raennaj lo, baez doxraen, couh miz haujlai vah gangj mbouj liux mbouj caenh. Ndaw suenmak dauq-cawq cungj hom heiqmak.

Dahsiu rox Daeghaij caeuq daxboh doxceng gvaq, couh riu de caenh rox hwnj ranzlaeuz, mbouj rox vih ngoenzlaeng dajsuenq. Dahsiu lwnh Daeghaij, haidaeuz Bohhaij cwngezbaueh Luegnad, de hix rox, de vihneix hix simnyap. Hoeng, raen Bohhaij Mehhaij song bouxlaux baenzneix gaenx ndaem faex, de hix buet daeuj bangfwngz. De cam Daeghaij naeuz: “Baenzgya aeu hwnj ranzlaeuz gonq cij ndaej ya? Mbouj miz ranz ndei gou couh mbouj haq mwngz la? Caiq gangj, ninz youq lueggim luegngaenz mbouj beij ninz youq ranz hoenghanghang ndei ha?”

Daeghaij dingq gij vah Dahsiu le, ndawsim ndatfoedfoed, rag fwngz Dahsiu gvaqdauej yaek cup. Dahsiu baez baenq gyaeuj: “Mwngz simgip la? Mwngz mbouj bae coh daxboh mwngz nyinhloek, gou couh mbouj swt mwngz…….”

Haetromh, Luegnad mok rim ndang, gwnz roen gyang lueg, miz boux bouxcoz he coh ndaw mbanj, yamq byaij daiq buet daeuj, bouxcoz neix couhdwg Daeghaij.

Boux Baengzyoux Miz Cienz Caeuq Boux Baengzyoux Ndoq

□ Caiz Fangdingz / 翟芳婷

Doenghbaez, miz song boux baengzyoux, boux he miz cienz, hoeng simyak; boux he simndei, cix mbouj miz cienz. Boux baengzyoux miz cienz ciengzseiz hangz boux baengzyoux ndoq.

Boux baengzyoux ndoq bae ndaw ndoeng coemh danq, aenvih roen gyae, gyanghaemh couh youq ndaw ndoeng ninz. Henz bodanq miz go faex roz he, ganjfaex gyoenq miz geh, de couh ndonj haeuj ndaw congh faex bae ninz, youh raeuj youh ndaej ndoj fwn.

Miz haemh ndeu, boux baengz-youx ndoq coemh bodanq ndeng-nyanznyanz le couh ndonj haeuj ndaw congh faex bae yietbaeg. Yaep ndeu, duz guk ndeu ma henz bodanq byoq feiz, boux baengzyoux ndoq yawjraen le cungj mbouj gamj diemheiq saekdi. Youh gvaq le yaep ndeu, duz muindaem he hix ma byoq feiz. Duzmuindaem mbouj siujsim daemh roengz goenq faex dawzyubyub he bae, goenq faex neix cingqngamj doek roengz gwnz ndang duzguk bae, duzguk doeksaet ndaej diuq hwnj-daeuj, duzmuindaem sikhaek naeuz doiq mbouj hwnj. Boux baengzyoux ndoq yawj ndaej cingcing cujeuj, ndawsim fwt couh miz cawjeiq lo, hawj song duz neix gag doxdaj, duz lawz dai couh ndaej dawz noh de bae gwn

roxnaeuz gai, danghnaeuz song duz cungj dai engq ndei.

De oet aen daeujien ganj raez haeuj bodanq bae coemh ndeng, couh aeu bae nad aen ndaeng duzguk, duzguk in dwk diuq hwnjdauej. De youh bae nad caekhaex duzmui, duzmui in dwk rongxhuhu. Baedauq geij baez, duzguk caeuq duzmui cungj maenj lo, mwngz ndaq gou, gou rongx mwngz, doeklaeng dauqdaej doxmoeb hwnjdauej. Aenvih doifeiz liz henz dat gig gyawj, yaep ndeu, duzguk caeuq duzmui cungj doek roengz laj dat bae dai lo. Ngoenz daihngaih nawcaeux, boux baengzyoux ndoq roengz laj bya bae gwed song duz de dawz bae gai, gai ndaej haujlai cienz. Daj seizhaenx hwnj, de couh miz cienz lai gvaq boux baengzyoux miz cienz lo.

Boux baengzyoux miz cienz yawjraen boux baengzyoux ndoq fatcaiz le, couh da ndeng lo. Miz ngoenz ndeu de bae cam boux baengzyoux ndoq vihmaz fatcaiz, boux baengzyoux ndoq lauxsaed dangqmaz, maz cungj lwnh hawj de rox caez. Boux baengzyoux miz cienz dingq le ndawsim gag siengj: Baenzneix fatcaiz ngaih lai lo, gou vihmaz mbouj hag de?

Ngoenz daihngaih, boux baengz-youx miz cienz couh bae daengz



Dahsau doq eu fwen doq gingq laeuj daih hek. Dozsw

gizdieg boux baengzyoux ndoq coemh danq haenx coemh danq, lij daiq aen daeujien raez gvaq aen boux baengzyoux ndoq haujlai he ro youq gwnz ndang. Gyanghaemh, de coemh hawj feiz ndengnyanznyanz le, couh ndonj haeuj ndaw congh faex bae. Yaep ndeu, miz duz guk ndeu daeuj byoq feiz dahraix, de yawjraen le sim’angq dangqmaz. Youh gvaq le yaep ndeu, youh miz duz muindaem he caemh daeuj byoq feiz.

Boux baengzyoux miz cienz simgip lai, oet aen daeujien haeuj ndaw feiz fat ok sing. Duzmuindaem byaij haeuj henz congh faex, ronghfeiz rongh ndaej yawjraen ndaw congh faex

miz aen rwz ndeu, duzmuindaem angq naeuz: “Gou raen aen rwz duzdouq.” Duzguk dingq duzmui baenzneix gangj, couh cam: “Youq gizlawz?” Duzmui couh ceij congh faex. Duzguk hix byaij coh congh faex bae ra duzdouq. Boux baengzyoux miz cienz raen song duznyaen couh youq dangqnaj, lau ndaej daengx ndang saenzdedded, nyaenx mbouj ndaej hemq okdauej: “Dai lo!” Duzmui-ndaem ndaej nyi miz sing, couh aeu nyauj lumj diet nei bongx gofaex roz geij mbat, ganj faex dek ok, duzmui caeuq duzguk doxcaez rag boux baengzyoux miz cienz okdauej, gwn donq imq ndeu.